

تاریخ عثمانی انجمنی

مجموعہ سی

ایکی آیدہ برنشر اولتور
مندرجات

علمدار مصطفی پاشا (مابعد)	افضل الدین
قرہ مصطفی پاشانک « شوپرون » اہالیسنہ بیاننامہ سی خلیل ادہم	
آناطولی تاریخندن : حمید اوغللری	محمد عارف
قرہ دیکز - ایزمیت کورفرزی قانالی	صفوت
سلجوق خانون سلطان	احمد توجید
کل بابا	روم بک اوغلی فخر الدین
متنوعہ : مینورقہ نک فتحی	صفوت
» بروسدہ ولد یایچ جامی	محمد عارف
تفرقہ : قانوننامہ آل عثمان (ایکنجیسی)	محمد عارف

فیثائی ہ غروش

مرجعی — باب عالی تاریخ عثمانی انجمنی
استانبول

ایکمل انجمنی

طبعیہ سہ ماہی شری

۱۳۳۰

کل بابا

بودا (بودین) شهرنده «کل بابا» اسمنده بر ذات مدفوندرکه
کرك آوروپا و کرك آيادن هانکی سیاح کله مرحومک تربه‌نی زیارت
ایته‌دن پشته‌دن کیتمز . «کل بابا» تربه‌نی مجارستانده ایکی عصر دوام
ایدن حاکمیت عثمانیه‌ک یگانه نشانه تاریخی‌سیدر. مذکور تربه «طونه»
نهری ساحلنه قریب ، مرتفع بر محله «واغز» نامنده بر معمارک
وارنلرینک متصرف اولدقلری بر کوشکک حویلیننده کائندر . تربه ،
سلطان سلیمان قانونی دورنده کی طرز معماری عثمانی به توفیقاً بیاض
طاشدن انشا ایدلش قطر عرضانیسی اون ایکی آدیم طولنده بر شکل
مثن السطوح‌دن عبارت اولوب اوزری ، الیوم بعض کویلرده کوریلن
خانلر کبی ، اوت ایله اورتیلش اسکی کره‌مید ایله مستور و داخلاً
دیوارلری غایت عادی صبوا وزمینی تخته ایله قابلیدر . دروننده صندوقه
بولنه‌یوب زمینی تشکیل ایدن و دوز بر سحندن عبارت بولونان بر تخته
قیاق موجود و قباغک آلتنده طوپراق زمین مشهوددرکه بوراسی زواره
کل بابانک مدفون اولدینی نقطه اولمق اوزره ارأه و تعریف ایدلمکده‌در .
درون تربده اثاث و مزینات نامه غایت عادی بر ایکی یازی لوحه‌سیله
برده شو بیتلری حاوی بر لوحه واردر :

بونده مدفون «کل بابا» حضرتلریدر داتما
بلبل آسا زائریدر روح پاک اتقیبا
آکاماندهزار عاشق اولوردل، چون اودر
کل کبی رونق فزای فرق تاج اولیا
رشک ایدرکل آکا کیم بروفته اولمازمنحصر
بلبل بولور آنک هر دمده بوی احتدا
ساده زواری دکل هم هر هزار عاشقی

قنده اولسه ورد لطفن شم ایدر صبح و مسا
 کل شه از هاردر ، او پادشاه قدسیان
 عند لیب تابی بولور دو عالمده صفا
 بلبل خاتم دعا ایلر همیشه همتی
 ورد مقصودین و جسمی آصفک اینسون کشا
 عند لیب بند کانشدن کالی دایما
 فیضیاب ورد روحانی قیلون خدا
 « سوده نائی »

بوندن ماعدا زوارک اسملرینی قید ایتدکلی اسکی بردفتر واردر .
 قیوسی کچوک فقط اویمه تختهدن معمول استانبول جوامع شریفه
 و مدرسه لری قبولی طرز معمارینده در .

مرحوم مشارالیه حقدنه روایات یک مختلف اولوب برروایتہ نظراً
 کل بابا دنیلان ذات شریف فاتح سلطان محمد خان ، سلطان یازید خان
 ثانی و یاوز سلطان سلیم خان و قانونی سلطان سلیمان خان دورلرینی ادراک
 ایتمش [۱] و سلاطین مشار الیهم حضراتیله برلکده بر جوق شانلی
 غنرالرده بولندقدن سوکره بودین سفرنده ارتحال داربقا ایلمش فقرای
 بکتاشیاندن اولوب حتی شیخ الاسلام ابوالسعود افندی مرحومک امامتیله
 قلنان جنازه سی نمازنده سلطان سلیمان خان حضرتلری حاضر بولونمشدر .
 بحار تاریخارنده مندرج دیگر برروایتہ نظراً قانونی سلطان سلیمان
 حضرتلرینک حقیده سی و سلطان سلیم ثانی حضرتلرینک کریمه سی

[۱] ایلك دفعه بوراده « کل بابا » تسلیم روح ایدوب سلیمان خان نمازینه
 حاضر اوله رق ابتدا ابوالسعود افندی نمازینی قیلوب بودین خاکنه دفن ایلمشدر .
 کل بابا فقرای بکتاشیاندن اولوب فاتح یازید ، سلیم ، سلیمان خانلرله جمیع غنرالرده
 موجود اولان کل بابای آل عبادر . قدس الله سره . (۹۴۸)

اولیا چلبی سیاحتنامه سی جلد ۶ صفحہ ۲۳۵

جوہر [۱] سلطان اولاً قپودان دریا ، خرواتی الاصل ، بیالہ پاشا ایلہ ازدواج ایتمش ، مشار الیہک وفاتی اوزرینہ خلایق اوغلی قلابلی قوز علی [۲] (Alaikoglou Kalailikos) اسمنده بریلہ تاهل ایلہ ۔ مشدر ، علی شجاعت فوق العادہ سیلہ مشہر ایتمش ، بودین والیلکنہ تمین اولتہرق ۱۵۸۳ - ۱۵۸۱ (ہجرتک ۹۹۱ - ۹۸۹) تاریخنرندہ بھارستاندہ بولونمش در ، خلایق اوغلی علی پاشا جوہر سلطان ایلہ ازدواجنہ اول دیگر بر قادین ایلہ متاہل ایتمش ، سلطان مشار الیہا کندیسیلہ تاهل ایتمزدن اول ایلک حرمٹک تطلیقلہ چوجققرینک ترکنی شرط قوبدیتندن علی پاشا حرمنی وچوجققرینی ترک ایلہ سلطانی تزوج

[۱] مشاہیرالنساءدہ کوہرخان سلطان دیہ محر اولدینی کی سجل عثمانیہ کوہر ملوک سلطان نامیلہ ترجمہ حالی یازمشدر ۔

[۲] قلابلی قوز وزیر علی پاشا غایت سلاحشور و نمایشی و بینشی خوب بروفور کیسہ ایدی ۔ وزیر اعظم طویل عمد پاشانک حلیہسی اسیخان سلطان کندی بہ تزویج مراد ایدینوب بدونہ متصرفہ ایکن خط شریف وارد اولوب اهل و عیالہ بمدالطلاق مفارقت ایندکدہ فریاد و فغانیلہ بدونک طاغ و طاشین آغلادینی اول اٹالردہ لسان خلقدہ بروقمہ عظیمہ دیو مذکور اولور ایدی ۔ اولاً مطلقہ سنک بددعاسی سلطانک عمرینہ فنا و پروپ چوق زمان کچمدین وفات ایدی ۔ و کندسی ینہ بدونہ طالب اولوب اولدنی بدونہ وداع عالم فانی ایدی ۔ بدون واروشندہ مزاری برپشتہ اوزرندہ واقمدر ۔ رحمہ اللہ تعالیٰ علیہ ۔

پچوی تاریخی جلدثانی صفحہ ۲۸

قلاہلی قوز علی پاشا (کل بابا) ۱۵۸۲ - ۱۵۸۱ (۹۹۱ - ۹۸۹) ہجرت تاریخنرندہ بودین والیسی ایدی ۔ پچوی کوہرخان سلطان یرینہ اسمیخان سلطان یازیور ۔ اسمیخان سلطان صقولی عمد پاشانک ارتحالندہ فریدون پاشاہ و برلش اولقلہ پچوی سہو ایتمدر ۔
مأخذلر :

ویانہ خاندان امپراطوری اوراقندہ محفوظ درسمعات سفارتک تخریراتی - ینہ مذکور اوراقندہ محفوظ M. Eytzing موسیو ایجینگ ک ۱۵۸۵ تاریخلی تخریراتی ۔

ہامس - ۱۸۳۴ تاریخندہ طبع اولونان تاریخ عثمانینک ایکنجی جلدی ۔

ایتمش در. ایلك حرمی کنديسنى مجنونانه بر صورتده سور ایتمش وتطليق
ایتمامسنى مصرانه رجا ایتمش ، پاشا قرارنده ثبات ایتمیکنندن مومی الیها
غایت مکدر وبدبخت اولدیضدن علی پاشایه لعنت ایتمش ، فی الحقیقه پاشا ،
الیوم تره نك بولندینی محله وقوعبولان بر محاربه ده شهید اولمش ، معینی
خلقی کنديسینه کل فداندلی آره سنده بر تره انشا ایتمش و مشار الیه
« کل بابا » نامی ویرمشلر .

اوچنجی بر روایتہ نظر آ علی پاشا محاربه انسانده خرسیتیانلر طرفندن
آتیلان کولله لری الیه یا قاله رقی تکرار دشمن اوزرینه آتار و هر دفعه سنده
موفق اولور ایتمش [۱] بوسیدن کنديسینه « کولله بابا » نامی ویرمشلر .
بر روایت عثمانیلرک حکایه سینه مستند ایتمش .

(بودا) پشته ده دولت عثمانیه باش شهبندری

روم بك اوغلی فخرالدین

[۱] بر روایت بر تاربخده محرد اولیوب ، یالکز تورکلردن قاله بر حکایت
اوله رقی پشته ده افواه ناسده دوران ایدر .